

BA TALUSEZE KUTI

Nabalata

KU AMUHELA SINULO

SA lîlato la Mulimu

JOYCE MEYER

#1 MUOLI WA BA *NEW YORK TIMES* YA LEKEHA KU FITA

BA TALUSEZE KUTI
NA BALATA

Bunolo bwa niti kaza ku latela Mulimu

JOYCE
MEYER



JOYCE MEYER
MINISTRIES

P.O. Box 5, Cape Town 8000

Unless otherwise indicated, all Scripture quotations are taken from
THE AMPLIFIED BIBLE: Old Testament.

Copyright © 1962, 1964 by Zondervan Publishing House
(used by permission); THE KING JAMES VERSION; and from
THE AMPLIFIED NEW TESTAMENT

Copyright © 1958 by the Lockman Foundation
(used by permission).

Copyright © 2014 by Joyce Meyer Ministries – South Africa

All rights reserved. No part of this publication may be
reproduced, distributed, or transmitted in any form or by any means,
or stored in a database or retrieval system, without the prior written
permission of Joyce Meyer Ministries – South Africa.

Joyce Meyer Ministries – South Africa
PO Box 5, Cape Town, 8000

Phone: +27 (0) 21 701 1056
Website: www.joycemeyer.org

Tell Them I Love Them – Lozi (Zambia)

Not For Resale

Mukoloko



<i>Tahiso</i>	5
1. Mulimu wa ku lata!	7
2. Kana bunde bwaka bulikani nji?	13
3. Lilato ki Mwana ‘habo	19
4. Lilato, Sepo ni Tumelo	25
5. Ku tokwa sabo	31
6. Lilato li fita kai ni kai	35
7. Lilato la Mulimu lika ku cinca	39
Twaela bupilo bo bunca	43
Tapelo Ya Puluso	45

TAHISO



Ni sepa kuli seo batu ba batisisa ka kufita ki sinulo sa lilato la Mulimu ku mutu ni mutu. Ki yona kutwisiso ye tisa mutomo wa lizwalo leli tiile la mutu ni Mulimu ni bupilo bwa silumeli bobu fenyize ndwa. Zibo ya lilato la Mulimu, ha i tokwahali ya mwa toho feela kono ku tokwala sinulo sa lilato lahe mwa lipilu za luna. Ki moya o kenile feela o kona kufa, mi ukona ku eza cwalo halu kena ahulu ka butungi mwa minahano ya lilato la Mulimu, ku zibisisa lilato la hae mwa bupilo bwa luna ni ku batisisa sinulo se mwa linzwi la Mulimu leli ñozwi ni ku lapela.

Ku lumela kuli Mulimu u latile lifasi kaufela mane ukonile ku luma Jesu kuto shwela libi za batu kaufela ku bunolo.

Kono kulumela kuli Mulimu uku lata ahulu kuli mane na ka kona ku luma Jesu kuto ku shwela wena feela, kambe kuli noupila ulinosi fa lifasi fa, kutata ahulu.

Hasa mulaho a kupila lilimo zeñata mwa bulumeli bo busina susuezo, ki kale niba ni zibo ya zeni latela Mulimu. Mulimu ya musa, hamoho ni moya o kenile, uni file zibo ya lilato la hae. Zibo ye itisize cinceho mwa bupilo bwaka kaufela ni luzwalo lwaka ni Mulimu.

Tapelo yaka kikuli hanze ubala buka ye, uka zibisisa lilato la Mulimu mwa bupilo bwa hao. Mi niku susueza kuli u bale buka ye insini ka kumata-mata, kono u ibelekise sina mutala hanze u ituta lilato la Mulimu mwa Bibebe, ni ku ikupula ahulu kuze ñozwi mwa Bibebe ni minahano ye u ka nopa mwa makepe a tatama.

Mulimu u kulata ahulu! Mulimu u bata kuli u zibisise lilato lahae zazi ni zazi, ni litaba ze ama bupilo bwa hao kaufele, sina mwa ezelize ku na. Kihao ni tisa buka ye ka likute, ni kuziba kuti hakuna mo ni inezi kwanda Mulimu, mi seo kaufela seni se nizibile ni ku utwisisa fa linzwi la hae, ki ka sishemo sa hae.

1



MULIMU WA KU LATA!

“Mulimu u latile lifasi, ki hao u lifile mwana hae wa libanda kuli, yena kaufela ya ka lumela ku yena hana kushwa kono u kaba ni bupilo bwa kuya kuile.”

– JOANI 3:16 NKJV

Mulimu u bata lubasi mi u bata kuli abe ndat’aluna. Ne lubupezwi kuba ni luzwalo ni yena mi ni ku biziwa kuli lu bana bahae ni kupila bupilo bo Mulena Jesu Kreste na shwezi. Koo, ku talusa kuli Mulimu u bata kuli lu tiyele kuyena, lu tome mutomo kuyena, ku mulata ni ku mulumeleza kuli alu late. U bata kuli lu mu sepe ni ku matela ku yena ha lu na ni ze lu tokwa. U bata ku ba ni silikani-tuna ni mutu kaufela.

Buñata bwa luna lu nahanelanga John 3:16 mwa linzila ze ñata ñata. “Eee ki niti, na ziba kuti Jesu u shwezi lifasi”, lwa bulelanga, kono “lifasi” haki libunda la batu ba basatalusehi hande bana shwezi Jesu. U shwezi mutu ni mutu. Mi niwena u kushwezi!

Niti ki kuli ni ha ne ku kaba kuli u inzi u linosi fa lifasi fa, Jesu na ka kona kuto ku shwela wena ulinosi. Naka kona kufita mwa manyando kaufela ao na fitile mwateni bakeni sahao. Mulimu u ku lata ahulu mi lilato lahae ki la kuya kuile (u bale Jeremiah 31:3).

Lizazi le limu hane ni zamaisa mota, Mulimu sa ambola nina mwa pilu yaka hali, “Joyce, wena u litolwana la lito laka”. Kapili pili satana ni yena ali, “kana haki ku ikumusa kaufele ko? U nahana kuti u mañi wena?” Cwale fo se ni nahana kuti, kana ha ni swaneli ku ikumusa cwalo.

Ku ziba kuli lu ba butokwa ahulu, mi luna ni limpo ze komosa, li talenta, ni buikoneli, ku lwanisa minahano yeo, lu ipona sina mutu. Niti ki kuli Mulimu u bupile mutu ni mutu a linosi, kusina ya swana ni yo mumu. Mulimu u lata lika ze shutana-shutana, mi u kubupile ka kushutana ni batu kaufela, ku bonisa kuli ha lati kuli u itikanyeze niba bamu kapa kulika kuba inge bona. U wa butokwa ahulu ku yena sina mwa na ku bupezi!

Ha ninze ni hupula za na ni taluselize Mulimu mwa pilu yaka, se niswanisa ni musali cwana yana yemi fa pila a litolwana ze bundekilwe hande. Musali yo a cekemisa ahulu litolwana ze mi a nopa fateni ya na boni bunde ka kufitisisa. Ha ni utwisisa manzwi a Mulimu, hana ni taluseza kuli na ni tolwana yende ku yena kufitisisa. Neli na wa butokwa. Mwendu ha ku bonahalisi kuli ku lukile, kono u ka fumana kuli Mulimu u bona mutu ni mutu sina ona cwalo. Ha ku talusi kuli ha uli wa butokwa ahulu ku fitisisa, ba bamu kaufela ba maswe. U talusa kuli kaufela a luna lu ba butokwa. Mulimu u talusa cwalo mwa Linzwi lahae, mi Linzwi lahae ki la mutu ni mutu. U litolwana mwa lito la Mulimu.

Ka nako yeo, neni sika ka swalisisa sa na ni taluseza Mulimu kakuli ne ku bonahala kuli kufosahalile ku inahanela mihupulo yeminde cwalo. Hasa mulaho a mazazi a mabeli, na apula Bibebe yaka ni ku bala mwa Lisamu 17:8 mi na afumana manzwi ali kuni lubukela: “U ni buluke sina litolwana le li tabusa; mi uni pate mwa muluti wa mafufa ahaa” (NKJV).

Mi nali, “Basu, neli Mulimu luli. Ni litolwana le litabusa

la Mulimu. “Se ni ikutwa kuba ni butokwa ahulu a nihupula manzwi ao. Kana wa ziba kuti u butokwa a hulu ku Mulimu mi hape U bata kuli u ikutwe kuba mutu ya botokwa ahulu, ya tula ni ku latiwa ahulu?”

Batu ba ikumbuta ku latiwa mwa lipilu za bona. Kona mwa lupangezi Mulimu. Buñata bwa batu balumela kuli Mulimu U lata lifasi mi ni Jesu wa mulata, kono ba fumana ahulu butata ku lumela kuli ni bona wa balata. Ni haike inge Linzwi li lu luta kuli Mulimu U lulata sina mwa latela Jesu. Joani 3:16 i lubonisa sina cwalo. Mi U bata ku lusululela lilato lahae ni lithonolo mwa bupilo bwa luna sina mwa latela ni ku tohonofaza Jesu. Joani 5:20 ibulela kuli, “Ndate u lata ahulu mwana ahae mi uka mubonisa za eza kaufela. Mi U kapatalaza ku yena lika tuna ku fita ze, kuli mu komoke ni ku mbwetuka.”

Mulimu U bulela kuli, “Ni eza lika ze ka Jesu kuli mu mbwetuke”, (ku talusa kwaka). Mulimu U bata kulu mbwetukisa ka kueza lika ze tuna kuli lu tabe ni ku angalelwa.

Lwa balanga manzwi a Mulimu kono halu swalasisangi hande zeo Mulimu U batanga ku luezeza ni ku itusisa luna ku ezeza ba bamu. U bata ku lu bonisa misebezi tuna ya ezize ka hala Jesu ni ku lumela kuli U na ni takazo yak u eza ze tuna ni ku fita kahala luna. Mwa Joani 14:12, Jesu U bulela kuti, “Yena kaufela yana ni tundamo ku lumela kuna, yena luli u ka kona ku eza lika kaufela ze ni eza; mi u ka kona ku eza likezo ze tuna ni ku fita fa bakeni sa kuli Na niya ku Ndate.”

Mulumu U ezeza batu lika ze ñata zazi ni zazi bakeni sakuli U ba lata ahulu, kono bona batu ha boni cwalo. Ku fa mutala, mu nahane sina cwana; Zazi ni zazi lizazi ha lipazula, lipazulela wena ni na. Li palisa li tubula mwa mishuta kaufela ku tabisa luna. Lifasi la lubupezi Mulimu ki le linde ku fitisisa

mi U bata kuti lu ikole lona! Genese ya pili italusa kuli Mulimu ufile mutu mata a ku busa ni ku mutaluseza kuli a belekise zeo zi fumaneha fa lifasi mwa musebezi wa Mulimu ni mutu.

Pula ha inela ka nako ya yona i nelela wena. Litwa ha litaha li tela wena. Mihato yahao I laezwi ki Mulena mi nako kaufela wa ku akamela.

Buka ya Mulao 7:9 i bulela kuti, “U zibe, u zibisise ni ku utwisisa kuti Mulena Mulimu wa hao, ki Mulimu, Mulimu ya sepahala, ya sa libali tumelelano, wa lilato la tundamo mi ni sishemo ku bao ba bamulata ni ku mamela milao ya hae, ku fita kwa masika a lule.”

Mulimu U lulata kuya kuile mi lilato la hae ki lilato mutumbi. Buñata bwa luna lu nahananga kuli mwendi Mulimu lu muteuzi ni mapalelwi kapa mafosisa a luna, ha lu lukaneli ku eza cwalo. Ni ha u ka eza cwani kamba cwani ha ukoni ku palelwise Mulimu ku kulata. Ha ki kuli Mulimu U na ni lilato kono yena ki yena lilato.

Haeba mwendi u hupula kuti Mulimu ha kulati bakeni sa bumaswe bwa hao, muhupulo wo u fosahalile. Akuna musima o tungile ahulu kuli u kona ku palelwise Mulimu ku kuzusa mwateni. U na ni mulelo wa ku kutisa sina mono u inezi sapili. A ku swaleli feela libi za hao haeba u mukupa ka niti, kono U ka libala libi zahao kaufela ni ku zi kasheza kwa hulu sina buhule bo bu mwahala a upa ni wiko. Mwendi ukona ku bulela kuti, “Ni amuhezi Jesu mwa pilu yaka, mi namu lata.” Kono ni ka ku buza sina cwana, una ni tumelo ye kuma kai ye kuli Mulimu wa ku lata?

Lilato la Mulimu la kuya kuile mi lelifelelezi ki la manzwi a bunolo, kono hape kona mutomo o lukanela ku beya mwa bupilo bwa hao kuti u utwisise lika kaufela. Na lumela kuti

kona makalelo a ku folisa kaufela mwa bupilo bwa luna.

Ni ha u ka ituta sifi kamba sifi, kapa ni ha ne u kaituta ka tata cwani ni ku batisisa ze ama Mulimu, haeba u sa lumeli bu niti bwa lilato la Mulimu, ha una ku zwelapili mwa ku zamaya kwa hao ni Mulimu. Lu amuhelenga ku Mulimu ka tumelo, kono ni yona tumelo I beleka ka lilato (u talime mwa buka ya Magalatia 5:6). Konji a lu kaamuhela lilato la Mulimu, ha luna kukona ku amuhela sifi kamba sifi.

Lilato la Mulimu hape likona ku lupilisa lu sina sabo (Johani wa pili 4:18). Kana u aka kona ku amuhela lilato la Mulimu ka kulukuluha? Ha ki la ku lekisa, mi hape ha u koni ku lileka ka ku belekisa likezo za hao zende... ze u likanela ku eza feela ki ku amuhela, amuhela ni ku amuhela.

2



KANA BUNDE BWAKA BULIKANI NJI?

“Sepo ye cwana hai zwafisi, ku picuka kapa ku swabisa bakenisa kuli lilato la Mulimu li sululezwi mwa lipilu za luna ka moya o kenile wo o lufilwe. Ni hane lu sina mata [ku tokwa mata a kuli lu ituse luna bañi], ka nako ya ndwa Kreste na shwezi (kushwela bao) ba ba sina buMulimu.

Cwale ki makazo ku fumana mutu ya shwela mutu ya lukile, kapa mwedi ki kuluka, lilato kapa mutusi yo mutuna yo mutu u sili ukona kumu shwela. -Kono Mulimu u lu bonisize lilato la hae fo kuli twaa mi lukolwisizwe bakenisa sa buniti bwa kuli ni ha ne luli ba eza libi Kreste (Mutoziwa wa Mulimu) u konile kuto lu shwela.

Lu atulezwi ku luka (ku lukululwa, ni ku eza kuluka ni kuba ba habo Mulimu ba balukile) ka mali a Jesu, kiha lu ka tusiwa cwani Ki Jesu kwa buhali bwa Mulimu. Ni ha ne luli lila za Mulimu, lu kutisani ni yena ka lifu la Mwana hae, mi ha lukisani cwalo, lu pulusizwe (kupuluswa zazi ni zazi kwa mata a sibi) ni ka ku zuha kwa bafu kwa hae.”

– BAROMA 5:5-10

Ku bunolo ahulu ku lumela kuli Mulimu wa lu lata haeba lu sa sinyi. Bu tata ki kuli buñata bwa batu ha ba itati, mi kutisa kuli ba ikutwe kuli mwendi ni Mulimu ha balati. Kono Bibe I bulela

kuli, “Mutu yo bela ngana ki sika mañi?” (Lipina 8:4). Lu libu-piwa za Mulimu ni ku beiwa sina cwalo, wa lu lata bakeni sakuli wa lulata. Mulimu ki lilato (Joani wa pili 4:16). Mulimu wa lulata bakeni sa kuli ki tato ya hae!

Wa ku lata bakeni sa kuli u butokwa. Mi kotalusa kuli a un swani ni babamu mi akuna ya swana ni wena. Ha u lukaneli ku swana ni na mi nina a nilukaneli ku swana ni wena. U ka zieleha ahulu ha u kafeza nako ya bupilo bwa hao ku iswanisanga ni ku lakana ni batu basili. Zeo kaufela lifa lila za hao mata a ku kotaluseza kuli a una bunde. Niti ki kuli, ku Mulimu hakuna tikanyezo ya bunde.” Tikanyo ya bunde bwa Jesu kona bo buku yemela. U lifezi kale libi za hao mi ni koto ya hao ye ne iku swanelela kaufela U ifelize.

Bibile I talusa kuli haeba tikanyo ya lilato la hae I konole kufita fa ku kushwela, ku kaba cwani he, haeba u atuzwi kuli u kenisizwe ka mali a hae, lilato lahae li ka kuma kai? (Mu bone Ba Roma 5:8-9). Ki niti ye tezi kuli tikanyo ya lilato la hae ya kona ku kwahela mafosisa ahao a zazi nizazi ni ku mamela kuli u tapisizwe kwa libi kamukana.

Mutala kiwo, kamo Mulimu mwa bonela mafosisa ni mapalelwi a luna. Uhakanyeze mwanana wa lilimo ze talu kapa ze ne yo ya inelanga bo mahe habanze ba eza misebezi ya fandu. Mwanana yo u lata ahulu bo mahe mane u konile ku unga ka lekenyana ni sikolopiso ni ku yo pahama fa sipula kuli a kenise lihalaulo. U hutile lihalaulo leo mane kufitela likena, mane ni kufeleleza ku kenisa ka ku belekisa mapepa.

Kono niti kikuli lihalaulo leo li siyezi ni mibalabala la masila a mulola, mi kasizana kateni ne ka belekisize taulo ye ba sepile bo mahe. Kono kona ka taha ku boma kona ni ku belekisa linzwi le li tabusa ni kuli, “Ima, Ima, ni kenisize lihalaulo lamina!

Ni mi ezelize musebezi o munde ahulu. Ima, namilata luli!”

Mahe mutu wa lilato luli a alaba ali, “Apuu, u ezize musebezi o munde luli! Ni itumezi ku ni tusa.” Kasizana hase ka patehile ni zisili bomahe ba feleleza ku kenisa kwa nasi ile. Hasa mulaho bomahe ba mu susueza ku kupanga tuso haeba ubata ku kondisanga misebezi.

Kona ni mwa lu ezezanga Mulimu. Mi U kona ku lukiseza lika kaufela kuli libe hande haeba lu mulata ni zibiwa sina Yena mwa lubatela kuti lu zibwe. (Mu bone Maroma 8:28.) Ku eza musebezi ka bukwala sina mo ukonela, kona za libelela Mulimu ku wena. Wa kona mi U ka kutusa kuli uzwelepili haeba u katundamena ku mu batisisa. U ka ku cinalisa mane u swane sina Yena kuzwa fa kanya ye kuya ku yani. (Mu bone Makorinte a bubeli 3:18.)

“Yena yo, ya lumilwe ki Mulimu u bulela manzwi a Mulimu [ku huweleza liñusa la Mulimu], Mulima amufi moya wahae hanyinyani kamba ka kutikanya, kono mpo ya Mulimu yona ya moya o kenile haina mululwani kapa mafelelezo! Ndate U lata Mwana hae mane u mufile (U musepile) lika kaufela mwa lizoho lahae” (Joan 3:34-35).

Lizazi le limu hane nib ala timana ye, na cipitisa bakeni sa tabo ye ne itisizwe ki zibo ya kuli Mulimu a tikanyisi kufa moya wahae. Ha fi ka buinyani ka ni kale. Mulimu wa kapweka, kufa kufiteleza, ka buñata luli ni ku fitelela tikanyo ku se u ka mukupa kaufela, ibe minahano! (Mu bone Maefese 3:20.)

Mwa buka ya Mulao 7:6-7, Mulimu U ize, “Mina mu sikwata sesi halaleha sesi ketezwi Mulena Mulimu; Mulena Mulimu wa mina U miketile kuli mu be batu ba babutokwa Ku yena, mi muketilwe mwa hala abatu fa lifasi fa. Mulena na sika

mi fa lilato lahae ni ku miketa bakeni sa kuli nemuli ba bañata ku fita likwata za batu kaufela, sikwata sa mina kisona sene sili se inyani ku fita.”

Kinto ye tiseza ahulu tabo. “Mulimu U bulezi kuli, “Ni mitomezi lilato laka hape ni mibulelezi kuli mwa halaleha. Ni mibulelezi kuli mu ba butokwa. Ani sika miketa bakeni sa kuli bunde bwa mina bulikani, kono nimiketile bakeni sa kuli ni milatile.” Kana wa ziba seo Mulimu U bata kuli ueze kacenu? U bata kuli u lumele lilato la hae. Tuhela ku taluseza Mulimu ze fosahalile kaufela ku wena; mi hape hau komokisi Mulimu. Mulimu wa ziba zahao kaufela hana ku bizelize mwa silikani ni yena, mafosisa e u ezize kaufela.

Butata bwa luna kaufela ki kuli halu itati. Ki hao a lumeli kuli Mulimu wa kona ku lulata, kapa mutu u sili wa kona ku lulata. Mi lunahanga kuli baka kona cwani ku ni lata? Na ni sinyehile! Mi ha u lumela kuli u tezi bumaswe, ni likezo kaufela likaba ze maswe. Buniti ki kuli ha u koni ku fitelela fa siyemo se u ipehile wena mwa pilu yahao.

Butata tuna bwaka nelikuli, neni sa itati, mi nako kaufela neni sinyeza ku lika kuba mutu ye ne ni nahanela kuba mutu yo munde. Mutala o ni kona kufa kikuli, neni nahananga kuli ni bulela ahulu, kona kuli neni likanga ku kutumana. Kono haneni kutumanga cwalo, neni ikutwanga ku zwafa ni bunsu kwa pilu, mi batu neba batanga sesi ni kutumanisize. Cwalo foo hape na ikupula, Muni bulelezi kuli ni mbombola ahulu, ki hao ni kutumana cwana!

Hani koni ku ziba kapa seli lilimo zekai hanize ni sweli ku fita mwa butata bobucwana, kono hape inge ni sweli ku kutela ku kena mwa butata bwa ku mbombola bakeni sa kuli ne ni lika ni linosi ku feza butata bo. Yena satani na itukiselize nako

kaufela kuni bonisa bumaswe bwaka nisa kena feela mwa butata bakeni sa kuli u beleka ka tata ku lu bonisa kuli luna ni mulatu mi lunyazehile kale. Kona kuli na utwisisa ahulu butata bo lufumana ku lumela kuli Mulimu wa lulata hase lu fosize.

Mulimu u bata kuli ni ikutwe ku lukuluha ni kusa ipona ku nyazeha, kono ni tokwa tumelo ni bundume kuli ni lukuluhe. Kana wa ziba kuli hakuna bukiti ni bobukana bo u ka ikutwa ku fosahala ni ku nyazeha bo bukona ku feza milatu yo u ezize? Ni bata ku kutela hape ku bulela sina cwana: Ku lumela kuli Mulimu wa ku lata hase u fosize ku tata ahulu.

Cwale satani u ka lika ku kunyandisa mwa minaho, ka ku kuhupuza bu maswe bwa hao. “Wa bona cwale ki kale u fosa hape. U hupula kuti u mañi wena? Mulimu ana ku kutohonolofaza... kambe u ezize kufita fa. Ha u swaneli ku ambola za Jesu fa. Mulimu a koni ku kubelekisa. Hana ku alaba ni litapelo za hao mi hakuna sesi kondile se u kona ku eza.”

Kona fo ku tokwahalela ku sepa Mulimu ni ku ikutwa bundume mi ni kubulela kuti, “Ndate, nifosize, na kupa U niswalele. Niti luli ni swabile ahulu ka ze ni ezize, na kupa mu niswalele.” Hape bunde bo bumu kikuli, satani niyena u lukanela ku mubulela sesimu. U mu hupuze kuli Jesu U takuzi kale bu maswe bwa hao nikulu wena u swalezwi kale mi u lukuluzwi kwa milatu kaufela, hape a u sanyazahala. Mata a linzwi la Mulimu le li beleka mwa bupilo bwa hao a ka tiisa tumelo ni sepo yo nani ku Mulimu. Kona u ka ikola bupilo bwa hao mi niku tisa litohonolo ku ba bamu!

Munahano wa kona kutaha sina cwana, Kanti kiñi ha ni kuta-kutela ku eza lika za bukuba cwana? Neni nahanga cwalo nina, konji feela hase ni iketela ku hana ku nyaziwa fa bufosi bwaka. Ha u iketela ku hana kuli wena u sifosi sa kuya kuile ni

ku hana nyaziwa nako kaufela, kuka kutusa ku tuhela kufosanga ni ku fumaneha kunyazeha.

Ku ipona kuli u sifosi ni ku nyazala ku utwisa pilu seta ni ku zwafa, mi hauna ku ikutwa kulukuluha. U ka fokola mwa minahano mi ku ka kubela mukwa wa ku kutela ku eza sibi. Ki hao ku butokwa kuba ni bundume ku amuhela mpo ya Mulimu yaku ku swalela ni ku hana ka tata ku nyazala. U lukanela ku keta ku sepa seo linzwi la Mulimu li talusa mi ni kuhana ku pitikana mwa maikuto a kufosa. Yena sila sahao u kali, “U taluseza kuli akuna ni haike maswe bo u kaikutwa ku zo ezize?” Kakuli u lukanela ku ikutwa bu maswe nihaikeli hola ze inyani feela. Zale ze u ezize ki ze maswe ahulu.” Wena se u lukanela feela ku alaba ki kuli, “batili, ni hanile”. Akuna bu maswe bo ni ka ikutwa ni kamuta.” Mi u lapele ku Mulimu kuli a ku tuse kuli ka musa wa hae, u kone ku shukumuna maikuto a maswe mi uzwelw pili mwa bupilo. Makalelo a muhato ku bunga tata ahulu kono ku kano kunolofala.

Buka ya Isaya 53 ilutaluseza Jesu a lu takusi libi za luna na ingile ni mutiyo wa koto ya luna. Satana ha lati kuli lu lukuluhe mi ni ku sa ikutwa ku ba ni mulatu. Bakenisa ñi? Haeba u fumanehile ni mulatu ha una ku kona ku amuhela lilato la Mulimu ka niti.

Wa kona ku pila ka kulukuluha ni ku sa nyazeha ka ku lumela kuli Mulimu ha ne bulezi kuti musa wahae u likani ku kwahela libi za hao. Wa ku lata, mi musa ni swalelo ki limpo za ku file. Li amuhele lona lakacenu le!

3



LILATO KI MWANA ‘HABO

“Hape lwaziba (niku utwisisa, nikulumela, kasabo, kazelubona ni zelufita mwateni) hape lwa lumela ni kulamatela hape nikubeya sepo hamoho nikuitingeta ku yena! Lilato la Mulimu kile lituna kuluna. Mulimu ulilato, hape muuna ya kayaha ni ku ekeza lilato lahae ni Mulimu, hape Mulimu u kayaha niyena muunu yo.”

– JOAN WA PILI 4:16

Ye kauhanyo i bulela kuli Mulimu ulilato, mi U bata luna ku muziba, ni kumuzibisisa nikumamela lilato lahae. Cwale uka mamela cwani lilato la Mulimu? Nikwa ka kulata cwani, haiba ha uzibi lilato lahae, hakuna ze ukabona kapa kubonisisa. Hupula moku utwahalela mutu yumumu hakubonisa lilato le liñata-ñata. Hase uzibile kuli wa latiwa, kufa, kuba ni tabo ni sepo. Mulimu wa milata, mi ubata kuli mubone lilato la hae. Walu ziba kaufela luna mwabutungi, ni silikanituna niyena. U bata kubizezwa mwalika kaufela zelu eza. Hape U lu bata kuli lube ningambolo yesafeli niyena. Halunze luba balikani babatuna.

Kana munani buhabo bobutuna ni Mulimu nji? Halu pepilwe sinca, haku talusi kuli ona foo, lu bile ni silikani tuna ni Mulimu. Luswanezi ku zuseza pili sihabo saluna ni Milumu, inge molu ezeza nibatu kaufela.

Ne nili mulapeli kwa lilimo ze felile inge ni sika izeza kwateni ngana mihato yaka ni Mulimu. Neni yanga kwa keleke mane seni itakaleza kusebeleza mulimu kusina tifo, kono Mulimu nasiyo mwabupilo bwaka. Neni ikutwile buinosi ni kusalatelela. Cwale fa, kiyona nto yapili yeni nahana busihu ni musihali. Nina ni sango ni Mulimu nako kaufela hape hakuna seni bata inge ku ezeza Mulimu niku mu utwisisa hande.

Mutu ni mutu una ni lisuba la yepile Mulimu mi hakuna sika kamba sifi sesi kona ku litiba. Nimi susueza ku ipuza, “kana takazo yaka ni buhabo ni Mulimu i cwani? Nalata ku mubeyanga wapili mwalikazaka kaufela. Kana nakona kubulela sina Paulusi mwana ezelize mwa likezo 17:28, “kuyena lwa pila, lwa sheña mi lubatu sina batu”?”

Mulimu wamilata, mi mubabutokwa kuyena. U mipangezi kuba bana ba habo yena. Ye kona takazo ye tuna hahulu mi yaniti mwabupilo bwaluna. Wa shobota mwa lipilu za luna li pazula feela. “Muzuhile, na milata.” Haiba ha musika utwa kale ha bulela kumina, mukale kuteleza mi mulumele.

Mulikani waka na ingile ma swaniso sabo ndatahe inge bayo potela batu kwa America. Kakusasana ha ba zuha, baya kafoo ko ne kulukisizwe mukopano mi bayo ambola niba ne ba zopotelwa. Naimemile anosi kwatafule. Batu sebataha, inge bakuta. Ba tundamena ku bulelela Mulimu, Pili!! ina ona foo ka nako nyana. Nisa feza feela ze nieza, ze ni ka ambola niwena, mi nika eza sango ni wena, cwale litela pili.

Mafelelezo alizazi Mulimu asiya libaka zabona inge aikutwile bulutu bakeni sakuli hakuna niyo mukana yana tile kuto ambola niyena. Mutu kaufela napatehile niza hae mi akuna ya na kona ku inela za Mulimu.

Musike mwapateha kwalika zesi za Mulimu. Haiba hamuna nako yaku mulupela nikueza ze tokwahala kuyena konakuli mupetehile. Fumana nako yakubulela mulimu mo mulatela. Kanako yeñwi lika kaufela lika fita, hakuna zeka siyala konji Mulimu. Kona cwalo! Mi haibanji hauna sihabo niyena, ikaba tiyeho kukala ku ba niyena.

Ha ki kale ahulu bo ndate batimela, mi natabela mi zibizisa kuli neba amuhezi Jesu kuba mupilisa wabona, lilimo zetalu basika timela kale. Ni ha baile kwa lihalimu, bondate ha ba sika pilela Mulimu bupilo bwa bu fenyi. Naba ipilela ka bu inosi ona cwalo nako kaufela. Usike wafita kwa mafelezo a bupilo bwa hao kuli bube bwa kui nyaza kakuli ubu sinyehezzi mwa lika zesili zabutokwa nika muta. Nako kiya butokwa ahulu yeo lufilwe ki Mulimu, mi luswanezi ku itokomela molu itusiseza yona mwalika zaluna kaufela. Bona! isasinyeha feela haina kukuta. Ku feza nako ni Mulimu kutisa bunde ni mipuzo kono zenwi kanji kulufa tukeko zakulusisa falileko zebaliami.

Nikususu eza kuli silimo sesi taha ubeele pilu kwa lilato la mulimu. U bale Bibebe, sihulu fo italusa za lilato la Mulimu, kuli u kone ku ziba ahulu za lilato lahae. Lilato la mulimu litisa butu, kutwano, tabo, mi ni kubonahala kwa bupilo. Mi ubata luna kuli lufukelwe ki moya kuli luikole kuba bana ba hae. Bala libuka ku utwa kuli kimañi mi ki yo munde cwani.

Joan wapili 4:16 ibulela ili, “Imi lwaziba (niku utwisisa nikulumela, niku mamela, ka kubona ni ku ziba) hape lwa lumela (ku latelela, kuba ni sepo nikuitinga kuyena) lilato la Mulimu kile lituna kuluna.

Ukona ku ikutwa ku salatiwa kakusasani. Mwendi hauna mata, mi uka fumana kuli nto ye bunolo ku eza ki ku bilaela musihali kaufela. Taba yende kiyakuli, wakona kucinca

mihupulo ka ku isusueza ni ku sepa Mulimu. Bulela ka huwa mi uli, “Mulimu uni lata hahulu. Ni muselo mwa meto ahae, mi U ni hupulela bupilo bo bunde.” Haiba mukabulela za Mulimu kufita za manyando amina ni mo mu utwela mwakona ku tisa bunde mwa bunde mwa lizazi la mina.

U swanezi ku ipulela ni kuzibisisali kuli u potolohilwe ki lilato la Mulimu. Biblele ibulela ili mulimu U nani siswaniso sesi makilwe mwa hala amazoho a hae (Mubone Isaya 49:16). Namu bona Mulimu inge ali, “Bona, talima faale, kana, akibabande nji? Luli, nabalata. Talima bana baka mwahala a mazoho aka”. U inzi ni mina mi ku muhupuza lilato la hae nako kaufela mi U lakaza bulikani nimina.

Muhupule ku itumela ku Mulimu ni kuzuseza pili silikani sesi sa feli. Fokunwi wakona ku ikatulusa kwa likezo za hao, ni ku fumana nako yaku itumela Mulimu ni ku mubulelela kuli wa mu ziba ni bunde bwa hae. Ishumuse mi ulate Mulimu, (Joan wa pili 4:16-17 ibulela kuli, “Mulimu ki lilato mi ya zwelapili kuba ni lilato, u zwelapili kuba ku Mulimu, mi ni Mulimu uka zwelapili kuba ku yena. (Swalisano ni buñwi ni Yena) lilato lifitile fa mafelelezo mi lifelize musebezi wa lona ku luna, kuli lube ni bundume mwa lizazi la katulo”).

Ha luziba kuli Mulimu walulata kulufa mutiisa pilu ni ku musepa. Limbuyoti zamina kaufela likataha kakuziba kuli Mulimu wamilata, sepotuna, ku feny a sibi, kozo mwa pilu, ku fola, bupilo bo bufumile ni limpo zahe ni tabo. Zeo kaufela li kona ku taha ka kulumeleza Mulimu ku milata. Hañata lwa ikupula; ni lukela ku lata Mulimu. Nilumela kuli Mulimu uswanezi kumilata pili. Hanizibi kapa wa kona kubonisa lilato lahao ku Mulimu konji hauka mulumeleza ku kulata. Biblele ibulela kuli lwa mulata kakuli Kiyena yana kalile ku lulata. (Mubono Joan wapili kauhanyo ya 4:19).

Hase luzibile kuli mulimu walulata mi lu amuhezi lilato lahae, lwa kona ku mulata ni luna. Lwakona ku ba ni silikani niyena. Lwa kona ku inzi inge lukomokile, kana lu kona ku ba cwani ni silikani ni Mulimu? Mulimu hane lumezi kuba ni silikani nina, na mbwetuka ni ku mu inela ni ku mubuza nali, cwale fa ni eza cwani?" Ki niti, neni sa zibi kuli silikani ni Mulimu si cwani bakenisa kuli nenisa zibi lilato lahae, mi neni sazibisisi kuli Mulimu u bata kuli nibe muzwale 'hae wa kuya kuile. Hani nize ni fumana nako ni Mulimu, ku mulapela, ku bala linzwi kapa ku kutumananga feela fa pila 'Mulimu, ku ni file ku ituta silikani ni Mulimu.

Nibata kumiakaleza kusiya zemaswe kwamulaho niku toma makalelo. Hamufe Mulimu nako, mi ukamilata ni ku mibonisa silikani niyena. Hanina kumifa mutala wa kuba ni silikani ni Mulimu. Hani lati kuli mube ni mitala ye yalilwe mwa linombolo kuli, mutala wapili, mutala wa bubeli, mutala wa bulau mane cwalo cwalo. Nibata kuli mwetelelwe kimoya okenile. Mulimu ubata kuli mukutwe kulukuha a mu inzi kuyena sina Maefese 3:17 Pilu yamina kindu ya Kreste.

4



LILATO, SEPO NI TUMELO

“Kacwalo, haeba luinzi ku Jesu Kreste, ibe mupato kapa kutokwa mupato, hakuna tuso kono tumelo yekalile ku beleka, niku ekezwa mata a bonahala ka lilato. ”

– MAGALATIA 5:6

Buñata bwaluna lulikanga kuba tumelo. Lwaziba kuli hakusina tumelo kutata ku tabisa mulimu (mahebelu 11:6), kona kuli lu sebeze katata kuli lube nitumelo yetuna. Kono tumelo ihulula mwa lipulu zaluna mi lukona kuba ni tumelo kaku eza ni silikani ni Mulimu niku teleza linzwi lahae. Kukona ku ezahala cwalo ka sinulo sa mulimu. Hanikoni luli ku mi luta tumelo, kono nikona ku mi luta milao kapa mihato ye zamaelela ni bulumeli mane mu ka bata musa pili musina tumelo; mu ka kona ku eza sika kamba sifi kuti mube ni tumelo. Tumelo ki lizoho leli putuhela ni ku amuhela ku Mulimu.

Halu tokwi ku tundana katata ha lubata kuba ni tumelo kapa ha lu bata ku tabisa Mulimu, lu lukanela feela ku fumana nako ye ñata yak u ba ni Mulimu, ku mulata ni ku amuhela lilato lahae.

Makorinte a bubeli 5:7 ibulela kuti, “Lu zamaya ka

tumelo [lu zamaisa bupilo bwa luna ka ku kolwiswa kapa tumelo ni kufa likute silikani sa mutu ni Mulimu ni lika za lihalimu, ni sepo ni ku oliswa kwa lihalimu; ki hao ha luzamai ka ku bona kapa ku bonahala. “Nako yemwi hane nibala timana ye, na utwa Mulimu inge a bulela lika ze tabusa ni ku komosa mwa pilu yaka. U nibonimize kuli haki ku lata kapa ku lika kwaka kuba ni sepo ko kubeleka. Kono timana ye I talusa kuli ku zamaya kwaka ka sepo kuitingile fa ze ni lumezi mwa silikani saka ni Mulimu. Mutu ya ikolwisize kuli yena a sikaluka fa pila ‘Mulimu ha koni ku zamaya ka sepo. Ku lukisa lika kwa luna ni Mulimu ku konahalile ka ku itombola kwa Jesu Kreste. Ku luka kwa luna ha ku sika itinga fa lika ze luezize kappa ze lu ka eza, kono za ezize Jesu Kreste. Mutu ya lumela kuli ki munyandi ya palwezi mi mulimu ha mulati, hana tumelo.

Magalatia 5:6 ibulela kuli tumelo ibeleka ni lilato. Sicaba si nahananga kuli ku lata babamu peto tumelo i kasebeza mi ba ka fumana ze bata ku Mulimu. Ni haike Mulimu U bata kuli luzamaye ka lilato, ha kukonahali konji yena a lulate pili. Ku bunolo; halu koni kufa se lusina. Ni likile hañata-ñata ku lata batu bakeni sa kuli ne ni ziba kuli kona mulao wa Mulimu, kono inge ni palelwa hañata hape konji ha ni amuhezi lilatotuna la Mulimu. Bunde bone ni kutwanga kana, ne ku ekeza lilato laka la niti kwa batu. Ha uziba lilatotuna la ku file Mulimu, hauna ku fumana butata ku amuhela ku Mulimu mi ni matata ahao a kafezwa. Se si palelwa batu ku amuhela ki kuli habana tumelo ka ku tala kuli Mulimu wa balata mi U bata kuli a bafe zeo ba bata ni ku ba tohonolofaza.

Mwendi u kabulela kuli, Eee na bata ku lumela, kono ba lumela cwani? Lilato la Mulimu liteni kahala a hao, se u lukanela ku eza ki kuziba lilato la hae a ku bonisa lona. Bible I bulela kuli, “Lwa mulata bakenisa kuli kiyena ya na lulatile pili” (Joan wa pili

4:19). Ha ku konahali ku lata Mulimu haeba hauna sepo ya kuli yena kiyena ya na kulatile pili.

Lilato la Mulimu li mwa pilu ya hao... kwa tasa a pilu luli. U kala ku ziba cwalo ha u ka kala ku ipona mwa ku bonela yena Mulimu. U bulela kuli u yo munde, una ni matalenta mi wa teko ye pahami. Mulimu wa ku lata! Ha kuna ya ka kulata sina mwa ku latela Mulimu. Ka mo ukengela lilato la Mulimu ka mo u ka konela ku bonisa tumelo ni ku pila bupilo bwa ku bulukezi Mulimu.

Hakuna sisili se u tokwa kwanda Mulimu, kono U ka kutiseza batu mwa bupilo bwa hao. Niti ki kuli, kambe ne kusina batu be u pila ni bona kwanda a Mulimu, ne ku kaba hande. Mulimu U kaba mulikani wahao yo mutuna. U kaba yo, upila ni yena haeba ha kuna. U kaba bo ndataho kapa bo maho bo sina. U kaba seo u tokwa kaufela. U sike wa fosa ka ku kupa Mulimu ku kezeza zobata; u kupe kuli abe mwa bupilo bwa hao ka buñata. U kupe Mulimu kuli a talezeze lika kaufela mwa bupilo bwa hao kaufela (Maefese 3:16, 19).

Mulimu wa ku lata mi u bata ku kufa litakazo za pilu yahao kaufela. Haeba u fumana tabo ku Mulimu, U ka kufa lika kaufela mwa latela yena mi ka nako ya ketile yena (mubone Lipina 37:4). Mulimu na bulelezi Abrahama kuli U kamutohonolofaza mi yena Abrahama u kaba toholo kwa sicaba. Ni wena kona sa bata ku kuezeza Mulimu kono u lukanela ku lumela! Lukulula sepo ya hao mi u lumele lisepo za Mulimu kaufela, kakuli li bulukezwi wena.

Tumelo Ha i Lwanisana ni Misebezi ya Nama

Maefese 2:8 I bulela kuli, “Ki sishemo sa ku fiwa feela (kushemuba kwa Mulimu ko lu sika belekela) se si lupulusize. Kana wa ziba

kuli hakuna ze u zezi kuli u puluswe? Buñata bwa luna ne luli ba eza libi ba batuna Jesu ha lu pulusize, mi mpo yaku lu pulusa ne isika itinga fa misebezi ye minde yaluna kapa ku kona ku eza bunde. Neli feela nto iliñwi; Mulimu na lu latile ahulu mane na konile kulu fa mwana ‘hae wa libanda, kuti yena ya ka lumela ku yena ha na kushwa kono u ka pila kuya kuile. (Mu bone Joani 3:16).

Musa u taluswa kuli ki takazo ya Mulimu ku belekisa mata a hae mwa bupilo bwa hao ku feza matata ahao kaufela. Ka musa wa hae u mi file tumelo kuli mu puluswe, hape, kabaka la lilato lahae, U mifile sepo kuli mulumele mu ka amuhela ze mubata ni ze muka bata. Mwendi u ka bata kuli ba latiwa ba hao kuli ba amuhale Kreste, kono niti kikuli ha ukoni ku hapeleza mutu usili ku lata Mulimu. U kona feela ku ba lapelela ni ku kupa Mulimu kuli a beleke mwa lippilu za bona, insi ni ka misebezi ya hao.

Misebszi ya nama, kapa misebezi ye lu lika ku eza ka mata luna, i lutiseza feela bu fokoli bakenisa kuli lu likanga ku eza musebezi o u eziwa feela ki Mulimu. Lwa beleka kono ha lu kutuli hande. Lu swanela feela kuishuwa fa pila a Mulimu ni ku kupa tuso ku yena. Bibe, mwa Pitulosi ya pili 5:5 i bulela kuli Mulimu yena luli U lwanisa, ku lyanganisa ni ku feny a ba baikumusa, kono U fa musa (kushemuba, ku tohonolofaza) ku ba baishuwa.

Musa wa Mulimu u butokwa mwa bupilo bwa luna. Lu pulusizwe ka musa wa Mulimu ni tumelo, mi ona cwalo mone lu puluselizwe, kona mo lukanela ku pila bupilo bwa luna zazi n zazi-ka musa wa Mulimu ni tumelo! Hase u na ni mutomo wa lilato la Mulimu o cwalo mwa bupilo bwa hao, wa kona ku kala ku mu sepa. U kona kuzamaya ni tumelo insini ka meto. U ka ziba mwa pilu ya hao kuli Mulimu wa sephala mi a libali sa sepisize.

Kuya ka Bibeke ye bizwa Amplified Bible, tumelo ki tuto ya butu bwa hao ku [Mulimu], sepo ka kutala ka mata a Hae, butali ni bunde (Makolose 1:4). A mu ka lumeleza Mulimu kumi lata, muka kona. Butungi bwa silikani sa hao ni Mulimu, kona fo ku yemi tumelo yahao. Mulimu u ka ku ezeza limakazo ni ku kubelekisa ku ezeza ba bamu limakazo, kono zeo kaufela li kala ka ku ziba lilato la Mulimu. Mulimu wa ku lata mi u sike wa limbulula.

5



KU TOKWA SABO

“Hakuna sabo mwa lilato (lukui halusaliyo) kono kuhula (bunde ku feleleza) lilato lifetula minyako ni ku izuza lukui kuba bafita! Sabo itisa milatu mi yasika amuhela kale lilato la Mulimu (hasi kahula kale mwa lilato leli felezi)”

– JOHN WA PILI 4:18

Lwa kona kufita fa tumelo ni sepo handende yakuli Mulimu wa lulata.

Hañi hañi, sila si to lu bemba. Lika ze ezahala mwa bupilo bwa luna-lika ze maswe ze ezahala ku luna li kona ku lika tumelo ya luna mwa linzila kaufela. Batu babamu haba fumani butata bwakuli Mulimu wa ba lata. Ni ha bafita mwa lika ze tata ha ba bonahali cwalo.

Kona cwale lila li ku Kenya mwa sabo ni ku kunyaza ni ku ku zusa kwa sika seo si kona ku kutiseza tuso-Lilato la Mulimu. U ka bulela kuli, “Cwale se bo?” “ne ni nahananga kuli Mulimu wa ku lata. Cwale kiñi haku kuezahalela lika ze maswe?” Mwendi u ezize sika sesi maswe ahulu. Mi Mulimu U kunyemezi ahulu”.

Ku bunolo ahulu ka nako ya miliko, nako ye ku bonahala sobozi ni ketululo ku palelwa kuba ni sepo ku Mulimu. Mulimu

ha ezangi lika ka nako ye lubata luna kapa mo lubatela. Mihupulo ya hae ki ye mituna ku fita ya luna. U bata ku fetula luna ku fita ze ezahala mwa bupilo bwa luna. Kamita U belekisinga mihato ye butuku ku hulisa tumelo ya luna ni ku lutusa ku sepa yena feela. Kananko yeo, halukoni ku utwisisa ze ezahala mi luhupulanga kapili kuli mulimu ha lu lati. Kanti kona nako ye lu lukanela ku hupula Maroma 8:35-39 ye talusa kuli hakuna sesi ka lukauhanya ni lilato la Mulimu mi lu bafenyi ba batuna ku Jesu Kreste. Se lu lukanela ku eza ha lukeni mwa butata ki ku bulela ka ku huwa sina, “Mulimu, na ziba kuli wa ni lata, mi ze kaufela li kabeleka ni ku tisa bunde kuna.”

Linako zemu Mulimu U litelanga foo, mane lubonanga kuli hakusana tuso, kona a lu punyusa. Kana Lazalo wa mu hupula. Na kulile, kono Jesu na litezi mane sa timela kona asa yo mutusa ni lubasi lwa hae. Mareta sa bulela Jesu kuli u liyehile, kono yena Jesu na ziba luli san a lelile. Lazalo mane na zusizwe kwa bafu mwa nzila ye tisa ahulu kanya ku Mulimu. Mulimu a beleki ka nako ye u ziba wena, kono hana ku liyeha ni kamuta. Ha una ni butata mwa bupilo, tiyela ku Mulimu ni tumelo yahao ibeleke. U sike wa tuhelela sabo ni ku lyangana kuli li ku sinyeze muhato wa ku lata Mulimu.

Joani wa pili 4:18 ki timana ye na ni mata ahulu: “Lilato le likondile li lelekisa sabo” (NKJV). Ne ni kupuzi ni ku ikupula ahulu fa timana ye, ni ku batisisa se i talusa, mi lizazi leliñwi se ni to utwisisa: Lilato le likondile li lelekisa sabo, mi Mulimu ki yena lilato le likondile. Hase u zibile kuli lilato le likondele le kuti li ezezwa wena, ha una kutuhelela sabo kuli I zamaise bupilo bwa hao. Mwendí wa kona ku kenelwa ki sabo, kono u ka zwelapili ni Mulimu bakeni sa kuli wa hana ku kusiya unosi.

Haku konahali ku kenelwa ki sabo yaku palelwa ha uziba kuli Mulimu wa ku lata. U lukuluhile ku lika se ni sani bakenisa

kuli wa ziba kuli lilato ni kamuhelo ya Mulimu ha I si ka itinga fa likezo zaka. Ha u koni ku palelwa ha u itinga ku Mulimu. U ka palelwa haiba u itinga fa mata a hao. Mwendu muta womumu lika ha lizamai sina mo ne u lelezi, kono li ka otoloha haeba u talimela feela Mulimu. Haeba wa ziba kuli Mulimu wa ku lata, hauna ku kenelwa ki sabo yak u palelwa, ku sa nyomwa, ku tokwa, ze fitile, ze sataha, se kamba sani.

Lilato la Mulimu ki lelituna ahulu mane likwahela lika kaufela. Cwale wena, luli-luli yena Mulimu ya kupunyuhulize ni ku kulukulula wa kona ku kenya mwa sabo hape? Kana wa kona ku kusiya u linosi ku sina yak u tusa? Satani ki yena sila sa mioya ya luna. Ki lisholi mi ki lihata, kono Jesu u bata kuli lu pile bupilo telele mi lu ikole (Joani 10:10).

Mulimu wamiluta imi ubata kulimutingele kuyena mi ukamifa litekazo zapilu yamina. Naiba mwa ipeya fapatahae. Ukamina lika mwalate la nikayako yahae. (Lisamu 37:4) mulimu abulela abrahama kuli uka mufuyola mi afuyole nibanwi. Kona mulimu zabata kumina kono pili mulumele muzuse tumelo yamina nikulume zana senpisi ze kakuli kiza mina.

Bibele yebile amplified (1 Joani 4:18) akuna sabo mwa lilato [lukui akuna] kono lilato leli kwanile lizusa boyi mwa likwalo. Sabo itisa milatu mi yasaba asika fita fa lilato leli tuna. (kusa hula mwa lilato la niti).

Ase ni zibile kuli Mulimu uni tusize ku utwisisa lilato la hae mi lazusa boyi, neni to beya zibo yeo mwa ku ituta. Anelu toba ni butata kwa mota, nelu to nahana kuli sisipi se siñwi si kazwa mi hape nelu sina mali a ku iyolisa, selu ekeza ku I zamaisa cwalo ni muhupulo wa kuli aina kusinyeha.

Zazi lelinwi kakusasa neni tiiswa ki Mulimu ka manzwi

a “Joyce, inga lizazi inge uni lata mi nina ni kulate cwalo, akuna sesiñwi se uswanela ku eza, neba kuba musali wa tumelo yetile. Uswanesi feela kutiyela mwa lilato laka”.

Cwalo inge no opela ni kupanga lipina ku mulimu, inze ni ikola. Ha inyani feela, na utwa ba kuluna mwa garage inge kufitile hola kuzwa fo bayezi kwa musebezi, ba kwalula si kwalo sa mota nikuli nali kuba nisaa lizi ni gear ya pili kono mota iswanela kuiswa kwa ku lukiswa.

Seni kwala munyako ni kukala kuseha, kono nesina muhupulo waka kappa tato yaka ku seha ka nako yeo, kakuli ni file Mulimu kuli ani late. Neni kona kuseha mwa nako yetata. Kusepa lilato la mulimu ku kwa lula tumelo mwanzila ya sabo, seni to kala kuseha mi yale neli tumelo. Neni sehile kakuli kwatasi apilu yaka neni nani tumelo ya kuli mulimu wa lulata mi uka luezeza

Abrahama na sehile liseho la tumelo. Mulimu anatile kuyena ni kutoli ukaba ni mwana wa mushimani. Na sehile, kakuli naziba luli kuli yena ni Sara akuna nzila ye ba kona kubela ni mwana hape kono na lumela ku Mulimu, mi tabo kona enei mu sehizize shutana. Kimani yakona kuba ni muhupulo waku seha inge ali mwa butata. Bibeke ibulela ili “Mulimu unzi kwa lihalimu inge aseha lila zahae” [see psalm 2:2-4]. Haiba Mulimu wa kona, luna bo. Amu ekeze ku seha li shea la tumelo. Kusa sinyo nako, Mulimu wa lulata.. haiba Mulimu winzi ni wena, kimani ya ka kulwanisa.

6



LILATO LI FITA KAI NI KAI

“Hape mulawo wa hae (ku zekisa, taelo, kusiloka) wo lu amuhela kuzwa ku yena: kuti yo ya lata Mulimu u kalata wa habo yena (mulumeli).”

– 1 JOANI WA PILI 4:21

Umwana a Mulimu ya butokwa. Bibe i bulela cwalo mwa Mulao 7:6. Auziba kuli ubutokwa ku yena mi upila ka lilato ni sepo itisa, mi ikama nib a lifasi kaufeela ba baku potolo hile ni niti. Ukaya kwa musika o mutuna ni lumenyo mwa pata inge munahana kuli mwa latwa. Zaka kaufeela zi inzi hande. na kona kufuyola ba banwi ni lilato la Mulimu. Ukona kuba mutu ya tabile koya kaufeela mi tabo ya hao ikona fuyola ba banwi. Psalms 100:2 I bulela kuli luswanezi ku belekela mulimu ni pilu ye kenile.

Alukala ku ziba kuli Mulimu wa lu lata mwa butungi bwa mi hupulo ni minahano ni ngana ya luna ye fumaneha mwa sinulo. Lwa kona kui kabela ni ku bonisa lilato la kreste kwa batu kuli bate bali latelele yena. Lilato la Mulimu lelinzi ku wena lika itusiswa kwa butokwa bwa ba banwi batu ni kutama silikani ni bona. Lilato la Mulimu mwahali ku mina lika mi lukulula kwa sabo, mi amuna ku saba kufitela babanwi kai-kai ni lilato. Amuna ku saba ku haniwa kapa ku bonwa ku tokwa tuso.

Mulumu U bata kuli u lumele a bulela kuli U ka itusisa wena ku eza lika ze makaza kakuli Jesu u pila ku wena. U mu sepe mi u lumele kuli U bata ku kubelekisa, ku kulata ni ku tusa ba bamu. U hupule lilato le likondile la Mulimu li lelekisa sabo, ka cwalo usike wa tuhelela sabo ku kupaleliswa ku bonahalisa sepo. Ha nizibi kappa seli hakai hanze ni ipumana fa mafelezo a sepo, mwendi fa kaufi niku eza sika sesi sabisa, mi kubonahala kuli Mulimu na ni bulelela kuli, “Joyce, aluye, aluye Joyce. Nika belekisa wena ku eza lika ze makaza, aluye”. Nako kaufela ha ne fumaneha kufokola, mi hape niku kutela ku sepa, Mulimu ha sika ni tuhelela.

Kana wa ziba sesi sa ni bilaezi neba nika wa kapa ku palelwa? Ki kuli Mulimu wa ni lata. Wa nilata, ni yena wa ziba kuli na mulata, mi ka musa wahae ni konile ku mufa bupilo bwaka. Haeba uzize cwalo mi Mulimu wa mulata, hape wa ziba kuli wa ku lata, kona kuli hakuna butata bo ka palelwa ku fenyha ka mata Kreste.

Haeba takazo ya hao ya niti ki kutusa batu, Mulimu u ka kutusa kuli u tuse babamu. Ha utokwi ku ba ni mata a mañata-ñata, u swanela feela ku iponahaza ku Mulimu, mi yena u kataleleza misebezi kaufela. U swana wa hakenyeza kuli mwendi talenta yahao ha ina tuso kono ki zebonahalanga ku tokwa tuso ze butokwa ahulu.

U sike wa pila bupilo bwa ku itata, ku feleza mata a hao ku talima feela zahao ni ku feza matata ali ahao feela. Bulelela Mulimu ze ubata mi u talimele feela ku yena mi u mamele linzwi mitala yeo moya o kenile U ka kubonisa kuli u kone tohonolofaza ba bañwi.

Se u eza ku mutu usili ni Mulimu U ka sieza ku wena. Hauna ni seu tokwa, ube ni minahano yaku “cala toze” esiñi ni

“minahano ya zeo utokwa feela”. Ku talusa kuli ha tusa babamu, Mulimu U imuhela sina toze ye ucezi, mi uka kutula takazo ya bupilo bwa hao.

Mutu kaufeela ubata ku kupuka, kono luswanezi ku ziba ku kupuka kwaniti. Ni lata ku talusa kuli ki ku kona ku eza ku belekisa ku kona ku eza kwa Mulimu ku feny matata kaufela a lutela. Lilato la Mulimu li kakona ku kubonisa butokwa bwa babamu pili. Kana u nahana kuli lilato la Mulimu likona ku kufa mata a ku lata mane ni bao ba basabonahali kuli ba kona ku latiwa, bao ba lipilaelo ni ba basa itumeli.

Ha ku katazi ku lata mutu yak u lata ni wena. Kono lu lukanela ku ba ni musa wa Mulimu kuli lukone ku lata bao ba bonahala kuli haba koni ku latiwa. Lilato la Mulimu leli buba mwahala luna li ka kona musebezi bakenisa kuli lilato lahae ha lina milao. Lu lukuluhile a lu amuhela mi lu lukuluhe ni halufa. Lilato hali palelwi kapa ku tuhelella batu. Li kona kunga silimo, kapa lilimo zeketa lizoho, neba lilimo ze mashumi a mabeli ka zeketa lizoho li sana ni butokwa. Haeba u fumana butata bwa ku lata mutu wa pilu-tata, hupula nako ya na ku lata Mulimu ni ku kulitela kuli umulumeleze ku kucinca.

Makorinte a pili kauhanyo ya bu 13 i taluseza kuli lilato ki pilu-telele, sishemo ni kuikokobeza. Lilato haki buitato, kacimacima kapa ku nyemanyema. Ona litukelo za lilato ze kona zana lu sululezi Jesu ka lilato la hae, mi ni luna keza nto ye swana ku batu ba utwa pilu butuku, ni bao babalatehile baba tokwa lilato la Mulimu mwa bupilo bwa bona.

Mulimu wa ku lata mi u lata ni batu bo pila ni wena. Wa ba lata bao ba bapulusizwe nib a basika pulusiwa, mi u bata ku kubelekisa ku hasanya lilato lahae ku bona kaufela.

Usike wa saba ku bonahala. Lilato la Mulimu li ku lukuluzi kwa sabo ni kunyazahala, mi u kufile mata a ku kona ku lata. U be ni mulelo o tiile wa ku ikabela lilato la Mulimu nib a bamu. U kona ku kala kaku panga silikani ni batu. Ibe musebezi wa hao wa ku ba mulikani wa batu kaufela ni kuba lithonolo la batu bo pila ni bona.

Kuba ni kamuhelo ki nzila yemu ye bunolo yaku bonisa lilato sihulu-hulu ku mutu ya zwafile kamba ya shwile bulutu. A mu bize batu mu tolalela hamoho. A mu lumeleze batu ku tomipotela. Mu lumelise batu ka ku ba swala mwa mazoho ni ku ba menyeza. Babamu mu ba ambeke ni ku ambola ni bona ze tisa pilu. Amu bonahalise misebezi ya mina kufuta ku bulelela feela, a muzamaisa mota, musike mwa fitelela batu. Mu bone ni bao banca fa musebezi niku ba pota-potise kuli ba twaele mwa sibaka sesi nca. Mulimu U ku bulukezi musebezi. Musebezi u kona bonahala ku tokwa tuso kapa buinyani, kono u butokwa ahulu ku Mulimu. Batu ba butokwa ku Mulimu.

Kuna ni batu ba balukiselizwe ku boniwa feela ki wena. Kupa Mulimu kuli aku bonise muhato mo ka ba bonela ni ku bonisa lilato, mi U ka eza cwalo.

7



LILATO LA MULIMU LIKA KU CINCA

“Mwa lilato le: hasi kikuli Mulimu ne lu mulatile pili, kono ki yena ya nakalile ku lu lata mane U konile ku luma mwan’a hae wa libanda ku to lukaupa (sitabelo se siliulula) kwa libi za luna”.

– JOANI WA PILI 4:10

Mulumu wa lulata kono ha sepi kuli buñata bwa batu ba utwisisa butuna bwa lilato le kapa Mulimu U lu lata cwani. Mulimu U ni bonisize mwa tuto ye kuli, kambe lwa ziba, kwa tasi a pilu luli, mwa lu latela Mulimu, kambe a lu ezangi lika inge molu ezeza.

U kengele mwa ku latela Mulimu. Kona sesi ka kona ku cinca. Haeba kuna ni so u toile sesi ku ama, kuziba Mulimu kuli wa kulata, niha u sweli ku litela kuli a ku belekise, ku ka ku utwisa tibeleso ye hande. Haeba nako kaufe u ikutwa ku hakanyeha bakeni zo u fosa, ha una ku cinca. U hupule kuli Mulimu u belekisa tumelo, mi tumelo ya niti I lukenya mwa pumulo ya Mulimu (MaHebelo 4).

Ku bonahala kuli batu ba bañata ha ba itati. A baitati feela, mi bakona ku itoya. Haeba u san a ni butata kamo ikutwela, ni bata ku hupuza kuli wa kona ku toya likezo zahao ze maswe, kono wena usike wa itoya. Jesu na ku shwezi bakeni sa kuli na ku

latile, mi U bata kuli u muhele mpo yahae ya teko ye pahami.

Bibele ili, “Minahano ya hao kona ye ku bisa mo u inezi” (Mashitanguti 23:7). Haeba nako kaufela u ikutwa bumaswe kamo u inezi, ku sa itata ni ku sa ziba butokwa bwa hao, hauna ku ku fumana kozo ni tabo ya Mulimu, mi ni likezo za hao li kabonisa cwalo. Mi zeo kaufela ki kuli ha u sika swalisisa ahulu mwa pilu ya hao mata a tezi mwa niti ye cinca bupilo, ya kuli Mulimu wa ku lata ku fita mo u zibela.

Mulimu u bata ku ina ni wena nako kaufela mi zazi ni zazi. Kona se si kona ku cinca. Haeba asi Mulimu ya kutelelela, kona kuli u mubeile mwa sibaka seo ka palelwa ku eza zeo a bata ku kuezeza. Ona nako yani, yo ukutumananga ku ambola ni Mulimu, ku mu bonisa lilato ni ku mulumeleza ku kulata, ye ka kufa mata, bundume ni zwelopili.

Buñata bwa batu bana ni mashengoki mi ba palezwi ku fumana nako ya kuyaha silikani-tuna sa bona ni Mulimu. Ba tabela kuba ni silikani-tuna ni Mulimu kono ha ba ikuteki kuli ba itwaeze likezo zende inge ku bala Linzwi ni ku lapela. Haeba una ni butata, lapela mi u kupe Mulimu kuli a ku tuse ku hulisa mwambo wa ku fumana nako yaku ambola ni yena zazi ni zazi. Ki kezo ye nde ku fita likezo kaufela.

Lilato la Mulimu li ka ku cinca. Haunze u ituta lilato la hae ni ku mamela ni ku zibisisa nako kaufela, u ka bona kuli litakazo zahao li zamaya inge li cinca. U ka bata kuba inge Jesu, yena yak u lata. Ku ziba ni ku yaha buino bwa Mulimu mwa bupilo bwa luna, ilukanela kuba sika sa pili ku fita. Paulosi na konkile mulelo wa ku ziba Krete ni mata a fumaneha mwa kuzuha kwa bafu kwa hae (mubone Mafilipi 3:10). Mu mamele kuli Paulosi na konkile.

Ni bata ku kususueza ku tokomela silikani sa hao ni Mulimu. Wa kona ku ba bukaufi ni Mulimu kamo u latela, ku itingile fa nako yeo ye ukafumana kuba nu Yena.

Bibele i lu taluseza kuli lu ba yemeli ba Mulimu tota mi kacwalo u belekisa luna ha kupa lifasi (Makorinte a bubeli 5:20). Timana ye i ni inanga kwa pilu mi i ezanga bunca zibo yaka ye lu bonisa butokwa bwa ku lumeleza Moya wa Mulimu ku lu etelela ni ku lubelekisa, ku lu cinca ni ku lu bupa hande ku lukiseza musebezi wa Mulimu. Moya o kenile u sululezi lilato la Mulimu mwa lipilu za luna (Maroma 5:5). Li amuhele, ikole lona, mi lituhele li kucince.

TWAELA BUPILO BO BUNCA



Haeba Jesu ha u sika mubiza kale kuli abe Mulena ni Mupulusi wa hao, na ku kupa kuli u eze cwalo ona fa. U lapele tapelo ye tatama inge u lukuluhile, ni buniti kwa pilu, mi u ka kala ku bona bupilo bo bunca ku Kreste, bo Mulimu uku bulukezi.

Mulimu Ndate, na lumela kuti Jesu Kreste Ki mwana hao, yena mupulusi wa lifasi. Na lumela hape kuli na nishwezi fa sifapano mi u lwezi libi zaka kaufela. Na zusizwe kwa bafu mi ka ku eza cwalo, U fenyize lifu ni libita. Na lumela kuli Jesu wa pila nako ye cwana mi U inzi kwa lizoho la bulyo la Hao. Jesu, na kutokwa.

U niswalele libi zaka, U ni puluse, taha U to pila kahala na. Ni bata ku pepwa sinca. Ni bata ku pilela wena. Ni itumezi ku ni pulusa ni ku ni tusa ku pilela wena bu pilo bo bunca.

Cwale u lumele kuli Jesu U pila mwa pilu ya hao. U lumele kuli u swalezwi, u lukile cwale ka mali a Jesu, mi u kaya kwa lihalimu zazi leliñwi. U fumane kekeke ye nde ko u ka yo lapelanga mi koo ba luta Linzwi la Mulimu mi u ka zwelapili mwa silikani sahao ni Kreste. Lu cincanga ka mata a lilato ni Linzwi la Mulimu le li beleka mwa bupilo bwa luna, hakuli cwalo, ku butokwa ahulu ku ziba niti ya Linzwi la Mulimu. Joani 8:31-32 i bulela kuti, “haeba u etelelwa ki Linzwi Laka, u mulutiwa waka wa niti luli. Mi uka ziba niti, mi hape ona niti ye i ka kulukulula” (NKJV).

Na ku kutaza kuli u swalisise ahulu Linzwi la Mulimu mi u li cale kwa tasa a pilu yahao, mi ka ku latelela Makorinte ba bubeli 3:18 i bulela kuli ha unze u bala linzwi la Mulimu, u ka cincwa ku ba siswaniso sa Jesu Kreste.

Na kupa cwale fa kuli u ni ñolele ku ni zibisa kuli u amuhezi Jesu, mi u kupe buka ya mahala ye ka ku luta ku pila bupilo bwa hao bo bunca ku Jesu Kreste.

Wamina wa lilato,

Joyce

TAPELO YA PULUSO



Mulimu wa kulata mi u bata kuba ni silikani ni wena. Haiba a usika amuhela Jesu kreste kuli ki mupulusi wa hao, u kona ku eza cwalo ona fa. U kwahululele feela pilu ya hao ku yena mi u lapele tapelo ye...

“Ntate, n’a ziba kuli ni ku foselize. Ni kupa kuli u ni swalele. Uni tapise kuli ni be ya kenile. Ni sepisa kuba ni sepo ku Jesu, mwan’a hao. Ni lumela kuli n’a uni shwezi-yena ka sibili n’a lwezi libi zaka a n’a shwezi fa sifapahano. Ni lumela kuli na zuhile kwa bafu. Ni neela bupilo bwa ka ku Jesu ka nako ya cwale.

Naitumela, Ndate, kwa mpo yahao ya swalelo mane ni ya bupilo bobu sa feli. Ni kupa kuli uni tuse kuli ni pilile ku wena. Mwa libizo la Jesu, Ameni.”

Sina a u lapezi ku zwelela kwa pilu ya hao Mulimu u ku amuhezi, u ku tapisize mane u ku lukuluzi mwa mawenge a lifu. U fumane nako ya ku bala litimana zeo mi u kupe ku mulimu kuli a bulele ni wena a u nze u zamaya ni yena mwa musipili wo mwa bupilo bwa hao bobu nca.

Joani 3:16

1 Bakorinte 15:3-4

Maefese 1:4

Maefese 2:8-9

1 Joani 1:9

1 Joani 4:14-15

1 Joani 5:1

1 Joani 5:12-13

U lapele mi u kupe ku Yena kuli a ku fumanele keleke ye

nde ye lumela za mwa bibebe ili kuli ube ni susuezo yak u hulela mwa silikani ni Krete. Mulimu u inzi ni wena nako kaufela. U ka ku elelela lizazi lelin'wi ka nako ya swanela mi u ka ku bonisa mwa ku pilela bupilo sakata boo a ku swalezi!

ZA MUÑOLOLI



JOYCE MEYER ki wa ba bamu maluti ba batumile kwa ku luta likezo za mwa Bibeले. Muñoli wa libuka yo, ki yo mutuna ku fitisisa mwa tolopo ye bizwa New York, mi libuka za hae litusize mianda ya batu ku fumana sepo ni ku kutiswa kwa bunca ka Jesu Kreste. Ka ku belekisa liluko la “Joyce Meyer”, ba luta lituto ze ñata ze ama fa ngana, mulomo kapa lingambolo, sizuhela ni buinelo. Miambolelo ya bona yebonahalisa niti i bafile mata a ku luta batu ka kulukuluha mi lituto za bona litezi likezo za bupilo bwa bona kuli ba bamu ba itutele fateñi ni ku belekisa mwa bupilo bwa bona. Bo Joyce ba ñozi libuka ze sutelela kwa mianda, mi hape libuka ze, litolokilwe mwa mishobo ye minda hape. Ba zamaisanga mikopano-tuna ye miñata-ñata mwa hae kubona ni kwa mafasi asili silimo ni silimo, inge ba sweli ku luta batu ku ikola bupilo bwa bona zazi ni zazi. Mwahali a lilimo ze mashumi a amalalu ze fitile, mikopano ya bona, ka silimo i konile ku ba ni basali ba bafita fa likiti za mianda ye mibeli (200,000) kuzwa kwa mafasi kaufela. Manyando a bo Joyce a ku tusa batu ba ba utwa lipulu butuku, kona mutomo wa pono ya ba Hand of Hope, ona mutai womuñwi kwa mitai ya misebezi ya bo Joyce Meyer; mi mutai wo kiwona o tusa batu ba bazamaya ku potoloha lifasi kaufela, hamoho cwalo ni mwa tolopo mo ba pila yona ye bizwa St. Louis.



**Fumana Mpo Ya hao ye Zwa Ku
Mulimu:
Lilato Le Sina Museto!**

Kaemba kaufela ka mata ni lilato la Mulimu liku libelezi kacenu! Mi ha u bao ba bali batu feela. Mulimu u kulata inge kuli ki wena ulinosi fa lifasi fa. Butata ki kuli, sina batu kaufela, mwendi ha una kutwisiso...kapa mwendi ngana iteni yaku utwisisa kono pilu ha i sika lumela kale. Cwale fa i ka lumela. Manzwi a inzi mwa buka mo, a tiisa pilu luli, mi a ka mi bonisa za ku eza:

- Mwa ku zibela lilato la Mulimu ka hali a mina.
- Mwa ku tuhelela ku hakanyeza kapa ku luka kwa mina kona kwa bata Mulimu.
- Mwa ku bela ni zibo ye makaza ye, ya lilato la Mulimu.
- Mwa ku fumanela Mulimu mwa linako za matomola pilu mwa bupilo.
- Mo lilato la Mulimu lika mi cinca kuya ku ile.

Ba ikabela zibo ni kutwisiso ye ne icincize bupilo bwa bona, bo Joyce Meyer manzwi a Mulimu ni butali bwa manzwi a mamu a kona ku kwahulula lihalaulo la lilato la Mulimu... ni ku lisela liseli la lilato le, ku mitiseza kanya!

BA TALUSEZE KULI NA *BALATA* JOYCE MEYER



JOYCE MEYER
MINISTRIES®

P.O. Box 5, Cape Town, 8000, South Africa